



Adresa: **Ul. Hamdije Čemerlića 39.**
71000 Sarajevo
<http://www.voda.ba>

tel. +387 33 726-400
fax: +387 33 726-423
e – mail: info@voda.ba

Broj: **UP-1/21-2-40-359-2/23**

Datum: 21.08.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica „Jajce Alloy Wheels“ d.o.o. Jajce, za izdavanje vodne suglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri skladištenju lakozapaljivih tečnosti, na osnovu člana 114., a u vezi sa članom 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj suglasnosti**

1. Investitoru „Jajce Alloy Wheels“ d.o.o. Jajce daje se vodna suglasnost na projektnu dokumentaciju, „Glavni projekt skladišta lakozapaljivih tečnosti-hidrotehnička faza“ urađen od strane „TZI-INŽENJERING“ d.o.o. Sarajevo, oznake projekta 527/2023 iz 8/ 2023. godine. „TZI-INŽENJERING“ d.o.o. Sarajevo kojom je obuhvaćena ispuštanje otpadnih voda i mogući specifični uticaji koji mogu nastati pri skladištenju lakozapaljivih tečnosti i način za sprječavanje ili ublažavanje tih uticaja, a koja se odnosi na Ova vodna suglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Ova vodna suglasnost ne oslobađa podnosioca zahtjeva obaveze pribavljanja vodne suglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Srednjobosanskog kantona/Kanton Središnja Bosna, u skladu sa članom 139. stav 2. tačka 1. i 2. Zakona o vodama kao i suglasnosti i dozvola od strane drugih nadležnih organa u skladu sa drugim Zakonima.
3. Vodna suglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.
4. Vodna suglasnost se daje pod slijedećim uvjetima:
 - 4.1. Radove na izgradnji objekata za prikupljanje, odvođenjem i tretmanom oborinskih, onečišćenih voda sa radnih, saobraćajnih i pripadajućih manipulativnih površina izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova sistema odvodnje i pročišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i sigurnost od curenja, a u cilju zaštite površinskih i podzemnih voda.
 - 4.3. Način ugradnje separatora i stavljanje istog u pogon uskladiti sa proizvođačem opreme.
 - 4.4. Od isporučitelja separatora pribaviti garanciju da će parametri kvaliteta pročišćenih oborinskih voda biti u granicama propisanih vrijednosti, definiranih u važećoj Uredbi o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20).

- 4.5. Da se nakon predviđenih uređaja za tretman otpadnih voda, a prije njihovog upuštanja u vodotok izvrši ugradnja revizijskih šahtova na svim ispustima, a u svrhu praćenja kvaliteta efluenta (monitoring).
- 4.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.7. Površinu na kojoj će se skladištiti lakozapaljive tečnosti ili eventualno odvijati pretakanje ulja, masti i nafte neophodno je izgraditi otpornu na djelovanje takvih materijala s reguliranom odvodnjom prema separatoru ulja i masti..
- 4.8. Manipulativna i parking površinu potrebno je izvesti sa odgovarajućim nagibima i pripadajućim slivnicima.
- 4.9. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.10. Prilikom izvođenja radova treba koristiti opremu i strojeve koje su tehnički ispravne, bez curenja tečnih goriva, maziva, hidrauličkih ulja i sl.
- 4.11. Predvidjeti da se sav nastali otpad prikuplja u skladu sa važećim propisima o postupanju sa otpadom.
5. Investitor je obavezan pridržavati se svih mjera i uvjeta, propisanih u ovoj vodnoj suglasnosti i suglasnostima izdanim od strane drugih nadležnih organa.
6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne suglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).
8. Ova vodna suglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ovo rješenje o vodnoj suglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentirani zahtjev za izmjenu ovog vodnog akta.

Obrazloženje

Pravno lice „Jajce Alloy Wheels“ d.o.o. Jajce, zatražio je izdavanje vodne suglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri skladištenju lakozapaljivih tečnosti.

U provedenom postupku, uz zahtjev za izdavanje vodne suglasnosti dostavljena je slijedeća dokumentacija:

- Aktuelni izvod iz sudskog registra, broj:051-0-RegZ-22-000402 od 16.03.2022. godine izdat od strane Općinskog suda u Travniku – kopija.
- Rješenje o Vodnoj dozvoli, broj: UP-I/25-3-40-3159-3/21 od 14.06.2022. godine izdano od strane Agencije za vodno područje rijeke Save, Sarajevo koja se odnosi na ispuštanje oborinskih onečišćenih voda iz izgrađenog poslovnog kompleksa za proizvodnju aluminijskih felga za motorna vozila, izgrađenog u naselju Divičani, općina Jajce.
- Rješenje o obnovljenoj okolinskoj dozvoli broj: UP-I-05/2-02-19-5-162/22 od 29.05.2023. godine izdano od strane Federalnog ministarstva okoliša i turizma – kopija, koja se odnosi na cjelokupni kompleks.
- Urbanistička suglasnost na radove na izgradnji skladišta lakozapaljivih tečnosti br. UPI/03-19-2-711/21 od 27.4.2023.god., izdana od Federalnog ministarstva prostornog uređenja.
- Rješenje o Vodnoj dozvoli, broj: 06-21-3486/23 od 30.05.2023. godine izdano od strane Ministarstva poljoprivrede, vodoprivrede i šumarstva KSB koja se odnosi na ispuštanje

sanitarно-fekalnih voda iz izgrađenog poslovnog kompleksa za proizvodnju aluminijskih felgi za motorna vozila, izgrađenog u naselju Divičani, općina Jajce.

- „Glavni projekt skladišta lakozapaljivih tečnosti-hidrotehnička faza“ urađen od strane „TZI-INŽENJERING“ d.o.o. Sarajevo, oznake projekta 527/2023 iz 8/ 2023. godine.
- Izvještaj o izvršenoj reviziji projektne dokumentacije od strane „ATRIUS projekt“ d.o.o. Živinice, oznake Izvještaja o reviziji br. V-30-08/23 od 8/2023.
- Zemljišnoknjižni izvadak br 823 od 03.07.2023.god., izdan od Općinskog suda u Jajcu.
- Kopija katstarskog plana izdana od Općinske, geodetske službe, Općine Jajce.
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U dokaznom postupku utvrđeno je da je projektna dokumentacija urađena od strane lica ovlaštenog za izradu dokumentacije za složene vodne objekte po rješenju donesenom od strane Federalnog ministarstva poljoprivrede, vodoprivrede i šumarstva, pod brojem UP-I-07-02—21/2-2652/22 od 20.10.2022.god.

Projektna dokumentacija je revidirana od strane „ ATRIUS projekt“ d.o.o. Živinice, oznake Izvještaja o reviziji br. V-30-08/23 od 8/2023.

Ista je urađena u skladu sa važećim uredbama, te je shodno članu 114. Zakona o vodama, upisivanjem broja i stavljanjem otiska pečata ove Agencije na revidovanu projektnu dokumentaciju: „Glavni projekt skladišta lakozapaljivih tečnosti-hidrotehnička faza“ urađen od strane „TZI-INŽENJERING“ d.o.o. Sarajevo, oznake projekta 527/2023 iz 8/ 2023.godine data vodna suglasnost na istu.

Na osnovu provedenog postupka, a u svrhu smanjenja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, podnosiocu zahtjeva su u dispozitivu ovog rješenja, shodno odredbama člana 114. Zakona o vodama i člana 7. Pravilnika o sadržaju, obliku, uvjetima, načinu izdavanja i čuvanja vodnih akata i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti koje je Investitor dužan ispuniti.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Marko BARIĆ, dipl.inž.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- „Jajce Alloy Wheels“ d.o.o. Jajce, Divičani bb, 70101 Jajce,
- AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo